

ქალაქ რუსთავის მუნიციპალიტეტის პრიორიტეტების დოკუმენტი

თავი I

ქალაქ რუსთავის მუნიციპალიტეტის 2016 წლის ბიუჯეტის

შესრულების მაჩვენებლები

2016 წელს ბიუჯეტში შემოსავლების სახით მობილიზებულია 39 967,3 ათ. ლარი, რაც საპროგნოზო მაჩვენებლის 97 პროცენტია.

გადასახადების სახით მობილიზებულია 14 451,4 ათ. ლარი, რაც საპროგნოზო მაჩვენებლის 107 პროცენტია, მათ შორის:

- საშემოსავლო გადასახადის სახით მობილიზებულია 3 191,1 ათ. ლარი, რაც საპროგნოზო მაჩვენებლის (5 500,0 ათ. ლარი) 58 პროცენტია.
- საქართველოს საწარმოთა ქონებაზე (გარდა მიწისა) გადასახადის სახით მობილიზებულია 6 345,0 ათ. ლარი, რაც საპროგნოზო მაჩვენებლის (5 950,0 ათ. ლარი) 107 პროცენტია.
- უცხოურ საწარმოთა ქონებაზე (გარდა მიწისა) გადასახადის სახით შემოსულია 25,1 ათ. ლარი, რაზეც საპროგნოზო მაჩვენებელი არ ყოფილა განსაზღვრული.
- ფიზიკურ პირთა ქონებაზე (გარდა მიწისა) გადასახადის სახით მობილიზებულია 122,8 ათ. ლარი, რაც საპროგნოზო მაჩვენებლის (50,0 ათ. ლარი) 246 პროცენტია.
- სასოფლო-სამეურნეო დანიშნულების მიწაზე გადასახადის სახით მობილიზებულია 23,5 ათ. ლარი, რაზეც საპროგნოზო მაჩვენებელი არ ყოფილა განსაზღვრული.
- არასასოფლო-სამეურნეო დანიშნულების მიწაზე გადასახადის სახით მობილიზებულია 4 743,9 ათ. ლარი, რაც საპროგნოზო მაჩვენებლის (2 000,0 ათ. ლარი) 237 პროცენტია.

გრანტების სახით მობილიზებულია 19 373,6 ათ. ლარი, რაც საპროგნოზო მაჩვენებლის 97 პროცენტია, მათ შორის:

- საერთაშორისო ორგანიზაციებიდან და სხვა ქვეყნის მთავრობიდან მიღებული გრანტების სახით მობილიზებულია 124,7 ათ. ლარი, რაც საპროგნოზო მაჩვენებლის 26 პროცენტია.
- გათანაბრებითი ტრანსფერის სახით მობილიზებულია 11 093,8 ათ. ლარი, რაც საპროგნოზო მაჩვენებლის (11 093,8 ათ. ლარი) 100 პროცენტია.
- მიზნობრივი ტრანსფერის სახით მობილიზებულია 500,0 ათ. ლარი, რაც საპროგნოზო მაჩვენებლის (500,0 ათ. ლარი) 100 პროცენტია.
- რეგიონებში განსახორციელებელი პროექტების ფონდიდან მობილიზებულია 7 655,1 ათ. ლარი, რაც საპროგნოზო მაჩვენებლის (7 891,0 ათ. ლარი) 97 პროცენტია.

სხვა შემოსავლების სახით მობილიზებულია 4 870,1 ათ. ლარი, რაც საპროგნოზო მაჩვენებლის (5 116,0 ათ. ლარი) 95 პროცენტია (იხ. ცხრილი 1).

ცხრილი 1. სხვა შემოსავლები

დასახელება	ათასი ლარი		
	გეგმა	ფაქტი	%
სხვა შემოსავლები	5 116,0	4 870,1	95
შემოსავლები საკუთრებიდან	835,0	971,2	116
პროცენტები	600,0	717,0	120
დივიდენდები	35,0	9,8	28
რენტა	200,0	244,3	122
მოსაკრებელი ბუნებრივი რესურსებით სარგებლობისათვის	120,0	176,0	147
შემოსავალი მიწის იჯარიდან და მართვაში (უზურფრუქტი, ქირავნობა და სხვა) გადაცემიდან	80,0	68,4	85
საქონლისა და მომსახურების რეალიზაცია	2 881,0	2 698,4	94
ადმინისტრაციული მოსაკრებლები და გადასახდელები	2 851,0	2 647,6	93
სანებართვო მოსაკრებელი	100,0	59,5	60
საჯარო ინფორმაციის ასლის გადაღების მოსაკრებელი	0,0	0,1	
სამხედრო სავალდებულო სამსახურის გადავადების მოსაკრებელი	1,0	2,4	240
სათამაშო ბიზნესის მოსაკრებელი	1 350,0	1 722,3	128
ადგილობრივი მოსაკრებელი დასახლებული ტერიტორიის დასუფთავებისათვის	1 400,0	863,4	62
სხვა არაკლასიფიცირებული მოსაკრებელი	0,0	0,0	
არასაბაზრო წესით გაყიდული საქონელი და მომსახურება	30,0	50,8	169
შემოსავლები მომსახურების გაწევიდან	30,0	50,8	169
ჯარიმები, სანქციები და საურავები	1 000,0	928,4	93
შერეული და სხვა არაკლასიფიცირებული შემოსავლები	400,0	272,2	68

არაფინანსური აქტივების კლებიდან მობილიზებულ იქნა 1 272,2 ათ. ლარი, რაც საპროგნოზო მაჩვენებლის (2 500,0 ათ. ლარი) 51 პროცენტია, სადაც უმეტესი წილი მიწის გაყიდვის შემოსავლიდან არის.

2016 წელს ადგილობრივი ბიუჯეტით გამოყოფილი ასიგნებები სხვადასხვა სფეროების მიხედვით შემდეგნაირად გადანაწილდა:

- *განათლება, დასვენება, კულტურა და რელიგია – 12,929.8 ათ. ლარი;*
- *საბინაო-კომუნალური მეურნეობა – 10,889.1 ათ. ლარი;*
- *ეკონომიკური საქმიანობა – 5,471.3 ათ. ლარი;*
- *ჯანმრთელობისა და სოციალური დაცვა – 3,615.0 ათ. ლარი;*
- *გარემოს დაცვა – 2,914.8 ათ. ლარი;*
- *თავდაცვა – 261.1 ათ. ლარი.*

- 2016 წლის განმავლობაში სკოლამდელი აღზრდის დაწესებულებებში წლიურმა ხარჯმა შეადგინა 4,616.7 ათ. ლარი.
- განათლების სფეროს ფარგლებში დაფინანსდა შეზღუდული შესაძლებლობების მქონე პირთა ცენტრი (348.1 ათ. ლარი), სადაც რეაბილიტაციის კურსს გადის 200–მდე ბენეფიციარი.
- სპორტისა და კულტური სფეროში დაფინანსდა სასპორტო და სახელოვნებო გაერთიანებები და მათ მიერ გამართული სპორტული თუ კულტურული ღონისძიებები რაზეც მთლიანობაში გახარჯულ იქნა 6,999.4 ათ. ლარი.
- ჩატარდა გზების სარემონტო სამუშაოები, რომელთა მოცულობამ შეადგინა 122.3 ათ. მ2 მიერთებებისა და ტროტუარების რეაბილიტაციის ჩათვლით. შესრულებულ იქნა 7,610.7 ათ. ლარის სამუშაო.
- განხორციელდა შენობების სახურავების გადახურვა საერთო ფართობით 14.4 ათ. მ², რომლის შესრულებული სამუშაოების ფაქტიური ღირებულება - 245.1 ათ. ლარი იყო.
- 2016 წლის განმავლობაში დაგეგმილ იქნა სხვადასხვა სახის სარემონტო და მომსახურების ტიპის სამუშაოები, რომელთა განხორციელებისათვის დაიხარჯა 4,453.3 ათ. ლარი.
- დაფინანსდა რუსთავის ტერიტორიაზე მცხოვრები მოსახლეობის სხვადასხვა ფენებისათვის შეღავათებითა და სოციალური დახმარებებით უზრუნველყოფა; სახელმწიფო ბიუჯეტიდან გამოყოფილი მიზნობრივი ტრანსფერის ფარგლებში კანონმდებლობით გათვალისწინებული სარიტუალო მომსახურების ხარჯები; მოხუცებულთა, მიუსაფართა და სოციალურად დაუცველთა კვებით და საცხოვრებელი ფართობით უზრუნველყოფა; დემოგრაფიული მდგომარეობის გაუმჯობესების მიზნით მრავალშვილიანი ოჯახების დახმარება და სხვა სოციალურ ღონისძიებები, რომლებზეც მთლიანობაში დაიხარჯა 3,383.7 ათ. ლარი.
- ქალაქის დასუფთავებაზე, კერძოდ გათავისუფლება საყოფაცხოვრებო ნარჩენებისა და ქუჩების მონახვეტისაგან, შეძენილ იქნა ახალი სანაგვე ურნები და საერთო ჯამში ბიუჯეტიდან დაიხარჯა 2,843.5 ათ. ლარი.

თავი II

ქალაქ რუსთავის მუნიციპალიტეტის 2017 წლის ბიუჯეტის 9 თვის შესრულების მაჩვენებლები

2017 წლის იანვარ-სექტემბერში ბიუჯეტში შემოსავლების სახით მოხილიზებულია 26 285,9 ათ. ლარი, რაც საპროგნოზო მაჩვენებლის 66 პროცენტია.

გადასახადების სახით მობილიზებულია 9 919,6 ათ. ლარი, რაც საპროგნოზო მაჩვენებლის 85 პროცენტია, მათ შორის:

- საშემოსავლო გადასახადის სახით მობილიზებულია 2 091,0 ათ. ლარი, რაც საპროგნოზო მაჩვენებლის (3 700,0 ათ. ლარი) 57 პროცენტია.
- საქართველოს საწარმოთა ქონებაზე (გარდა მიწისა) გადასახადის სახით მობილიზებულია 6 799,6 ათ. ლარი, რაც საპროგნოზო მაჩვენებლის (7 700,0 ათ. ლარი) 88 პროცენტია.
- უცხოურ საწარმოთა ქონებაზე (გარდა მიწისა) გადასახადის სახით შემოსულია 28,1 ათ. ლარი, რაზეც საპროგნოზო მაჩვენებელი არ ყოფილა განსაზღვრული.
- ფიზიკურ პირთა ქონებაზე (გარდა მიწისა) გადასახადის სახით მობილიზებულია 12,0 ათ. ლარი, რაც საპროგნოზო მაჩვენებლის (50.0 ათ. ლარი) 24 პროცენტია.
- სასოფლო-სამეურნეო დანიშნულების მიწაზე გადასახადის სახით შემოსულია -0,3 ათ. ლარი, რაზეც საპროგნოზო მაჩვენებელი არ ყოფილა განსაზღვრული.
- არასასოფლო-სამეურნეო დანიშნულების მიწაზე გადასახადის სახით მობილიზებულია 989,2 ათ. ლარი, რაც საპროგნოზო მაჩვენებლის (2 450,0 ათ. ლარი) 40 პროცენტია.

გრანტების სახით მობილიზებულია 10 701,0 ათ. ლარი, რაც საპროგნოზო მაჩვენებლის 56 პროცენტია, მათ შორის:

- საერთაშორისო ორგანიზაციებიდან და სხვა ქვეყნის მთავრობიდან მიღებული გრანტების სახით მობილიზებულია 81,3 ათ. ლარი, რაც საპროგნოზო მაჩვენებლის (636,7 ათ. ლარი) 13 პროცენტია.
- გათანაბრებითი ტრანსფერის სახით მობილიზებულია 8 020,8 ათ. ლარი, რაც საპროგნოზო მაჩვენებლის (10 693,8 ათ. ლარი) 75 პროცენტია.
- მიზნობრივი ტრანსფერის სახით მობილიზებულია 374,6 ათ. ლარი, რაც საპროგნოზო მაჩვენებლის (500.0 ათ. ლარი) 75 პროცენტია.
- რეგიონებში განსახორციელებელი პროექტების ფონდიდან მობილიზებულია 2 224,3 ათ. ლარი, რაც საპროგნოზო მაჩვენებლის (7 335,7 ათ. ლარი) 30 პროცენტია.

სხვა შემოსავლების სახით მობილიზებულია 4 555,4 ათ. ლარი, რაც საპროგნოზო მაჩვენებლის (4 425,0 ათ. ლარი) 103 პროცენტია (იხ. ცხრილი 2).

ცხრილი 2. სხვა შემოსავლები

ათასი ლარი

დასახელება	გეგმა	ფაქტი	%
სხვა შემოსავლები	4 425,0	4 555,4	103
შემოსავლები საკუთრებიდან	655,0	516,5	79
პროცენტები	500,0	194,9	39

დასახელება	გეგმა	ფაქტი	%
დივიდენდები	15,0	20,0	133
რენტა	140,0	301,6	215
მოსაკრებელი ბუნებრივი რესურსებით სარგებლობისათვის	80,0	257,5	322
შემოსავალი მიწის იჯარიდან და მართვაში (უზურფრუქტი, ქირავნობა და სხვა) გადაცემიდან	60,0	44,1	74
საქონლისა და მომსახურების რეალიზაცია	2 320,0	2 867,0	123
ადმინისტრაციული მოსაკრებლები და გადასახდელები	2 300,0	2 820,7	123
სანებართვო მოსაკრებელი	100,0	57,0	57
საჯარო ინფორმაციის ასლის გადაღების მოსაკრებელი	0,0	0,1	
სამხედრო სავალდებულო სამსახურის გადავადების მოსაკრებელი	0,0	1,2	
სათამაშო ბიზნესის მოსაკრებელი	1 300,0	2 112,6	163
კულტურული მემკვიდრეობის სარეაბილიტაციო არილის ინფრასტრუქტურის ადგილობრივი მოსაკრებელი	0,0	0,0	
ადგილობრივი მოსაკრებელი დასახლებული ტერიტორიის დასუფთავებისათვის	900,0	649,8	72
არასაბაზრო წესით გაყიდული საქონელი და მომსახურება	20,0	46,3	232
შემოსავლები მომსახურების გაწევიდან	20,0	46,3	232
ჯარიმები, სანქციები და საურავები	1 100,0	844,1	77
შერეული და სხვა არაკლასიფიცირებული შემოსავლები	350,0	327,8	94

არაფინანსური აქტივების კლებიდან მობილიზებულ იქნა 1 109,8 ათ. ლარი, რაც საპროგნოზო მაჩვენებლის (2,500.0 ათ. ლარი) 44 პროცენტია, სადაც უმეტესი წილი მიწის გაყიდვის შემოსავლიდან არის.

2017 წლის 9 თვისათვის ადგილობრივი ბიუჯეტით გამოყოფილი ასიგნებები სხვადასხვა სფეროების მიხედვით შემდეგნაირად გადანაწილდა:

- *განათლება, დასვენება, კულტურა და რელიგია – 9 114,6 ათ. ლარი;*
- *საბინაო-კომუნალური მეურნეობა – 5 321,6 ათ. ლარი;*
- *ეკონომიკური საქმიანობა – 3 252,2 ათ. ლარი;*
- *ჯანმრთელობისა და სოციალური დაცვა – 2 203,8 ათ. ლარი;*
- *გარემოს დაცვა – 1 965,8 ათ. ლარი;*
- *თავდაცვა – 163,7 ათ. ლარი.*

➤ 2017 წლის ოქტომბრამდე სკოლამდელი აღზრდის დაწესებულებებში გაწეულმა ხარჯმა შეადგინა 3 631,5 ათ. ლარი.

➤ განათლების სფეროს ფარგლებში დაფინანსდა შეზღუდული შესაძლებლობების მქონე პირთა ცენტრი (258.6 ათ. ლარი), სადაც რეაბილიტაციის კურსს გადის 220-მდე ბენეფიციარი.

- სპორტისა და კულტური სფეროში დაფინანსდა სასპორტო და სახელოვნებო გაერთიანებები და მათ მიერ გამართული სპორტული თუ კულტურული ღონისძიებები, ასევე სპორტული და კულტურული ინფრასტრუქტურის მოწესრიგება, რაზეც მთლიანობაში გახარჯულია 4 348,9 ათ. ლარი.
- 2017 წლის 9 თვის განმავლობაში საგზაო ინფრასტრუქტურის მოსაწერსიგებლად რეაბილიტირებულია 3,586.3 ათ. ლარის ღირებულების გზა.
- 2016 წლის 9 თვის განმავლობაში დაფინანსდა სხვადასხვა სახის სამშენებლო, სარემონტო და მომსახურების ტიპის სამუშაოები, რომელთა განხორციელებისათვის დაიხარჯა 2,743.7 ათ. ლარი.
- მიმდინარეობს რუსთავის ტერიტორიაზე მცხოვრები მოსახლეობის სხვადასხვა ფენებისათვის შეღავათებითა და სოციალური დახმარებებით უზრუნველყოფა რისთვისაც 9 თვის ხარჯი შეადგენს 2,027.7 ათ. ლარს.
- ქალაქის დასუფთავებისათვის, კერძოდ გათავისუფლება საყოფაცხოვრებო ნარჩენებისა და ქუჩების მონახვეტისაგან, ქალაქის ბიუჯეტიდან მოხმარებულია 1,948.9 ათ. ლარი.

თავი III

ქალაქ რუსთავის მუნიციპალიტეტის 2018-2021 წლების პრიორიტეტების, პროგრამების, მათი აღწერის, მოსალოდნელი შედეგებისა და შეფასების ინდიკატორები

1. ინფრასტრუქტურის მშენებლობა, რეაბილიტაცია და ექსპლოატაცია (პროგრამული კოდი 03 00)

რუსთავის ეკონომიკური განვითარებისათვის აუცილებელ პირობას წარმოადგენს მუნიციპალური ინფრასტრუქტურის შემდგომი გაუმჯობესება და აღნიშნული მიმართულება ბიუჯეტის ერთ-ერთ მთავარ პრიორიტეტს წარმოადგენს. პრიორიტეტის ფარგლებში ქალაქის საცხოვრებელი უბნების ეზოების, დასასვენებელი პარკების და საცხოვრებელი კორპუსების კეთილმოწყობა. მუნიციპალური ინფრასტრუქტურის მშენებლობისა და რეაბილიტაციის გარდა განხორციელდება არსებული ინფრასტრუქტურის მოვლა შენახვა და დაფინანსდება მის ექსპლოატაციასთან დაკავშირებული ხარჯები.

პროგრამ. კოდი	დასახელება	2018 წლის პროგნოზი	2019 წლის პროგნოზი	2020 წლის პროგნოზი	2021 წლის პროგნოზი
03 00	ინფრასტრუქტურის მშენებლობა, რეაბილიტაცია და ექსპლოატაცია	12 401,7	23 301,0	24 436,0	24 516,0
03 01	საგზაო ინფრასტრუქტურის მშენებლობა-რეაბილიტაცია და მოვლა-შენახვა	1 927,6	8 528,0	7 070,0	8 600,0
03 01 01	გზებისა და ტროტუარების რეაბილიტაცია და ექსპლოატაცია	1 927,6	5 394,0	6 960,0	7 500,0
03 01 02	ქუჩებში ფეხით მოსიარულეთა გადასასვლელებისა და საგზაო მოძრაობის მარეგულირებელი აღნიშვნების მოწყობა	0,0	3 124,0	75,0	985,0

პროგრამ. კოდი	დასახელება	2018 წლის პროგნოზი	2019 წლის პროგნოზი	2020 წლის პროგნოზი	2021 წლის პროგნოზი
03 01 03	საქალაქო ტრანსპორტის გაჩერებებზე საინფორმაციო ტაბლოების მოწყობა/რეაბილიტაცია	0,0	10,0	35,0	115,0
03 02	კომუნალური ინფრასტრუქტურის მშენებლობა-რეაბილიტაცია და ექსპლოატაცია	8 226,0	10 593,0	13 686,0	12 306,0
03 02 01	საცხოვრებელი კორპუსების კეთილმოწყობა	1 670,0	3 308,0	4 590,0	3 940,0
03 02 01 01	საცხოვრებელი შენობების სახურავების რეაბილიტაცია	100,0	800,0	850,0	850,0
03 02 01 03	საცხოვრებელი კორპუსების ფასადების რეაბილიტაცია	0,0	368,0	1 500,0	750,0
03 02 01 04	ამხანაგობების ხელშეწყობა	1 570,0	2 140,0	2 240,0	2 340,0
03 02 02	გარე განათების მოწყობა, რეაბილიტაცია და ექსპლოატაცია	1 000,0	1 250,0	1 790,0	1 725,0
03 02 03	ქალაქის ეკოლოგიური დაცვა	2 755,0	3 050,0	3 136,0	3 403,0
03 02 03 01	ქალაქ რუსთავის დასუფთავება	2 755,0	3 000,0	3 050,0	3 150,0
03 02 03 02	გამწვანების ინფრასტრუქტურის მოწყობა/მოწესრიგება	0,0	50,0	86,0	253,0
03 02 04	წყლისა და სანიაღვრე/საკანალიზაციო სისტემების რეაბილიტაცია	61,0	335,0	1 450,0	498,0
03 02 05	ქალაქში არსებული ინფრასტრუქტურისა და გამწვანების მოვლა-პატრონობა	2 740,0	2 650,0	2 720,0	2 740,0
03 03	კეთილმოწყობის ღონისძიებები	1 121,7	3 580,0	3 320,0	3 340,0
03 03 01	სკვერების, ეზოების, ძეგლებისა და მემორიალების რეაბილიტაცია	61,1	120,0	1 500,0	1 450,0
03 03 02	საცხოვრებელი და არასაცხოვრებელი შენობების რემონტი	260,6	2 330,0	650,0	750,0
03 03 05	სამშენებლო სამუშაოების ზედამხედველობის, საპროექტო-სახარჯთაღრიცხვო დოკუმენტაციისა და ექსპერტიზის ხარჯები	800,0	1 130,0	1 170,0	1 140,0
03 04	მუნიციპალური ავტოტრანსპორტის დოტაცია	544,0	550,0	300,0	200,0
03 05	მონაწილეობითი ბიუჯეტირების ხელშეწყობა	582,4	50,0	60,0	70,0

1.2. საგზაო ინფრასტრუქტურის მშენებლობა-რეაბილიტაცია და მოვლა-შენახვა (პროგრამული კოდი 03 01)

პროგრამის ფარგლებში განხორციელდება ქ. რუსთავში არსებული რეაბილიტირებული ცენტრალური გზების მდგომარეობის შენარჩუნება, ასევე ახალი და შიდაკვარტალური მისასვლელი გზების რეაბილიტაცია.

მოსალოდნელი საბოლოო შედეგები:

- მგზავრთა შეუფერხებელი, კომფორტული და უსაფრთხო გადაადგილება და ქალაქის ინფრასტრუქტურის გაუმჯობესება.
- ქუჩების განტვირთვა ჭარბი სატრანსპორტო ნაკადისაგან.

შედეგების შეფასების ინდიკატორები:

- საგზაო შემთხვევების შემცირებული რაოდენობა;
- ქუჩებზე სავტომობილო საცობების რაოდენობა.

1.3. კომუნალური ინფრასტრუქტურის მშენებლობა-რეაბილიტაცია და ექსპლოატაცია (პროგრამული კოდი 03 02)

პროგრამის ფარგლებში განხორციელდება საცხოვრებელი კორპუსების კეთილმოწყობა, გარე განათების ქსელის გაფართოება, არსებული ქსელის მოვლა-შენახვა და დაფინანსდება მის ექსპლოატაციასთან დაკავშირებული ხარჯები; უზრუნველყოფილი იქნება ქალაქის დასუფთავება; სანიაღვრე/საკანალიზაციო ქსელის რეაბილიტაცია; დაგეგმილია ქალაქის ინფრასტრუქტურისა და გამწვანების მოვლა-პატრონობა.

1.3.1 საცხოვრებელი კორპუსების კეთილმოწყობა (პროგრამული კოდი 03 02 01)

ქვეპროგრამის ფარგლებში დაგეგმილია დაზიანებული სახურავების შეკეთება, კორპუსების ფასადების რეაბილიტაცია, ბინათმესაკუთრეთა ამხანაგობების განვითარება, სამოქალაქო პრიორიტეტული მიმართულებების განსაზღვრა, მიზნობრივი პროგრამების შემუშავება და მათ განხორციელებაში მოქალაქეთა მონაწილეობის ჩართულობის უზრუნველყოფა. ამხანაგობები მოსახლეობის ჩართულობის პრინციპით განხორციელებენ მრავალსართულიანი საცხოვრებელი შენობების სახურავებისა და სხვა კომუნალური პირობების მოწესრიგებას.

1.3.2 გარე განათების მოწყობა, რეაბილიტაცია და ექსპლოატაცია (პროგრამული კოდი 03 02 02)

დღე-ღამის ნებისმიერ დროს მოსახლეობის კომფორტული და უსაფრთხო გადაადგილებისათვის აუცილებელ პირობას წარმოადგენს ქალაქის განათება, რისი გათვალისწინებითაც ქვეპროგრამის ფარგლებში დაფინანსდება გარე განათების ელ. ენერგიის ხარჯი, ქალაქის ცენტრალურ და შემდგომ შიდაკვარტალურ გზებზე ასრებული ნათურები შეიცვლება ეკო-ნათურებით, რაც ქალაქის გარე განათების ელ. ენერგიის ხარჯს 3-ჯერ დაზოგავს.

1.3.3 ქალაქის ეკოლოგიური დაცვა (პროგრამული კოდი 03 02 03)

ქვეპროგრამის ფარგლებში გათვალისწინებულია ქალაქის ყოველდღიური დაცვა-დასუფთავება და ნარჩენების გატანა, ასევე საცხოვრებელი კორპუსების შიდა ბუნკერების და გარე ქსელის ბუნკერების საყოფაცხოვრებო ნარჩენებისგან გათავისუფლება და მნიშვნელოვანია ქალაქის გაუმჯობესებული სანიტარულ-ეკოლოგიური მდგომარეობის შენარჩუნება.

1.3.4 წყლისა და სანიაღვრე/საკანალიზაციო სისტემების რეაბილიტაცია (პროგრამული კოდი 03 02 04)

ქვეპროგრამის გაგრძელება ქალაქის ამორტიზებული სანიაღვრე ქსელის მოწყობა/რეაბილიტაცია.

1.3.5 ქალაქის საკუთრებაში არსებული ინფრასტრუქტურისა და გამწვანების მოვლა-პრაქტიკა (პროგრამული კოდი 03 02 05)

ქალაქის საკუთრებაში მრავლად არის შენობა-ნაგებობები და სვადასხვა ობიექტები, რომლებიც ამ ეტაპზე არ გამოიყენება ქალაქის საჭიროებებისათვის და შესაძლოა განხორციელდეს მათი ეტაპობრივი პრივატიზაცია. ქვეპროგრამის ფარგლებში განხორციელდება შესაბამისი ღონისძიებები მათი არსებული მდგომარეობის შენარჩუნებისა და უცხო პირთა ხელყოფისაგან დაცვის მიზნით; ასევე ქალაქის ინფრასტრუქტურისა და გამწვანების მოვლა-პრაქტიკა.

მოსალოდნელი საბოლოო შედეგები:

- მოსახლეობის საცხოვრებელი პირობების გაუმჯობესება;
- გამართული კომუნალური ინფრასტრუქტურა;
- ცენტრალურ ქუჩებზე შენობების რეაბილიტირებული ფასადები;
- განათებული ქალაქი;
- გაუმჯობესებული სანიტარული პირობები;

შედეგების შეფასების ინდიკატორები:

- საცხოვრებელი კორპუსებისა და ეზოების მდგომარეობა;
- რეაბილიტირებული ქუჩებისა და ეზოების განათების პროცენტული მაჩვენებელი;
- საყოფაცხოვრებო ნარჩენებისაგან მაქსიმალურად გათავისუფლებული ქალაქი.

1.4 ქალაქის კეთილმოწყობის ღონისძიებები (პროგრამული კოდი 03 03)

პროგრამის ფარგლებში განხორციელდება სკვერების რეაბილიტაცია/კეთილმოწყობა, არასაცხოვრებელი შენობების რეაბილიტაცია.

1.4.1 სკვერების, ძეგლებისა და მემორიალების რეაბილიტაცია (პროგრამული კოდი 03 03 02)

პროგრამის ფარგლებში იგეგმება სკვერების, მემორიალებისა და ძეგლების მოწყობა/რეაბილიტირებასთან დაკავშირებული სამშენებლო სამუშაოები.

1.4.2 საცხოვრებელი და არასაცხოვრებელი შენობების რემონტი (პროგრამული კოდი 03 03 03)

ქალაქის საკუთრებაში საკმაოდ ბევრი არასაცხოვრებელი დანიშნულების შენობებია, რომლებიც ადმინისტრაციული და ინფრასტრუქტურული დატვირთვის მატარებელია. შენობების ექსპლუატაციის პერიოდის გათვალისწინებით, ხშირად დგება დღის წესრიგში მათზე მიმდინარე სხვადასხვა სახის სარემონტო სამუშაოების შესრულება. ქვეპროგრამის მიზანი ამ შემთხვევაში შენობების ექსპლუატაციისათვის ვარგისიანობის შენარჩუნებაა, რა დროსაც არსებული სარემონტო სამუშაოებით ხდება უფრო მეტი დაზიანებებისა და შესაბამისად მეტი საბიუჯეტო სახსრების ხარჯვის თავიდან აცილება. ასევე ავარიულ მდგომარეობაში მყოფი საცხოვრებელი შენობების გამაგრებითი/აღდგენითი სამუშაოები.

1.4.3 სამშენებლო სამუშაოების ზედამხედველობის, საპროექტო-სახარჯთაღრიცხვო დოკუმენტაციისა და ექსპერტიზის ხარჯები (პროგრამული კოდი 03 03 06)

ქალაქში დაგეგმილი სამშენებლო-სარეაბილიტაციო სამუშაოების საფუძველს მოქმედი სამშენებლო ნორმებითა და წესების გათვალისწინებით შესაბამისი საპროექტო-სახარჯთაღრიცხვო დოკუმენტაცია წარმოადგენს. ხოლო საჭიროების შემთხვევებში აუცილებელია შესაბამისი გეოლოგიური კვლევების წარმოება. ასევე აუცილებელია სამშენებლო-სარეაბილიტაციო სამუშაოების ტექნიკური ზედამხედველობა და შესრულებულ სამუშაოებზე შესაბამისი ექსპერტიზის ჩატარება, რომლის ფარგლებშიც ხორციელდება შესრულებული სამუშაოების საპროექტო-სახარჯთაღრიცხვო დოკუმენტაციასთან შესაბამისობის დადგენა. ქვეპროგრამის ფარგლებში გათვალისწინებულია ზემოაღნიშნული ღონისძიებების განხორციელებისათვის საჭირო ხარჯების დაფინანსება.

მოსალოდნელი შუალედური შედეგები:

- დასასვენებელი და გასართობი ადგილების მოწყობა.
- ქალაქში არსებული შენობების იერსახის შენარჩუნება.

შედეგების შეფასების ინდიკატორები:

- მოწყობილი/რეაბილიტირებული სკვერების რაოდენობა.
- რეაბილიტირებული საცხოვრებელი და არასაცხოვრებელი შენობების რაოდენობა.

1.5 მუნიციპალური ტრანსპორტის სუბსიდირება (პროგრამული კოდი 03 04)

კვლავ აქტუალური რჩება შიდასაქალაქო ტრანსპორტის გამართული მუშაობის უზრუნველყოფა. ავტობუსების საწვავისა და მარაგ ნაწილების სულ უფრო მზარდი ფასები ასახვას პოულობს მგზავრობის საფასურზე. პროგრამის ძირითადი დანიშნულებაა შიდასაქალაქო ტრანსპორტით მოსარგებლე მოსახლეობისათვის არსებული ტარიფის შენარჩუნება შესაბამისი ორგანიზაციის დოტაციის გზით, რასაც მნიშვნელოვანი სოციალური დატვირთვა გააჩნია.

მოსალოდნელი შუალედური შედეგები:

- ქალაქის მუნიციპალური ავტოტრანსპორტზე არსებული ბილეთის ფასის შენარჩუნება.
- მომხმარებელთა ეკონომიკური ინტერესების დაცვა.

შედეგების შეფასების ინდიკატორები:

- ქალაქში მაცხოვრებელთა დადებითი განწყობა იაფი ტრანსპორტით მგზავრობაზე.

1.6 მონაწილეობითი ბიუჯეტირების ხელშეწყობა (პროგრამული კოდი 03 05)

ქვეპროგრამის მიზანია ხელი შეუწყოს ქალაქ რუსთავის მუნიციპალიტეტის ბიუჯეტის შედგენის პროცესში ადგილობრივი მოსახლეობის ჩართულობას. აღნიშნული პროექტი დაფინანსებულ იქნა ევროკომისიის მიერ შესაბამის საგრანტო ხელშეკრულებაზე დაყრდნობით, სადაც თანადაფინანსების პრინციპით პროექტის ღირებულების 90%-ს დააფინანსებს ევროკომისია, ხოლო 10% წილის ასიგნება ეკუთვნის თვითმმართველობას. პროექტის ფარგლებში მოხდება მუნიციპალიტეტის ადმინისტრაციულ შენობაში და ტერიტორიულ ორგანოებში შესაბამისი ინფრასტრუქტურის მოწყობა, ასევე მოქალაქეთა მეტი ჩართულობის მიზნით მათი ინფორმირება, რაც ხელს შეუწყობს ბიუჯეტის პრიორიტეტების შედგენისას გამჭვირვალების გაზრდას და მათი მოსაზრებების ასახვას ქალაქის მთავარ ფინანსურ დოკუმენტში.

მოსალოდნელი შუალედური შედეგები:

- ქალაქის ბიუჯეტის დაგეგმარებაში მოსახლეობის ჩართულობის გაზრდა.

შედეგების შეფასების ინდიკატორები:

- პრიორიტეტების შედგენისა და ბიუჯეტის დაგეგმარებისას მოსახლეობის ინტერესების გათვალისწინება.

2. განათლება (პროგრამული კოდი 04 00)

მომავალი თაობების აღზრდის მიმართულებით დაწყებითი და ზოგადი განათლების გარდა მნიშვნელოვანი როლი ენიჭება ასევე სკოლამდელ განათლებას, რაც თვითმმართველი ერთეულის საკუთარ უფლებამოსილებებს განეკუთვნება და შესაბამისად თვითმმართველობის ერთ-ერთ პრიორიტეტს წარმოადგენს, რომლის ფარგლებში მომდევნო წლებში განხორციელდება საბავშვო ბაღების ფუნქციონირებისათვის საჭირო ხარჯების დაფინანსება, მათი რეაბილიტაცია და ინვენტარით უზრუნველყოფა.

პროგრამ. კოდი	დასახელება	2018 წლის პროგნოზი	2019 წლის პროგნოზი	2020 წლის პროგნოზი	2021 წლის პროგნოზი
04 00	განათლება	6 997,5	7 100,0	8 082,0	8 683,0
04 01	სკოლამდელი განათლების ხელშეწყობა	6 997,5	7 100,0	8 082,0	8 683,0
04 01 01	სკოლამდელი აღზრდის დაწესებულებების ხელშეწყობა	6 620,2	6 720,0	7 700,0	8 300,0
04 01 02	შეზღუდული შესაძლებლობების მქონე პირთა ხელშეწყობა	377,3	380,0	382,0	383,0

2.1 სკოლამდელი აღზრდის დაწესებულებების ხელშეწყობა (პროგრამული კოდი 04 01 01)

პროგრამას ახორციელებს ააიპ „რუსთავის ბაგა-ბაღების გაერთიანება“; ქალაქში ამ ეტაპზე ფუნქციონირებს 20 საბავშვო ბაღი, სადაც სკოლამდელ განათლებას იღებს 6 490 ბავშვი. საბავშვო ბაღებში რეაბილიტირების ჩატარების შემდეგ დაგეგმილია დამატებითი ჯგუფების გახსნა რის შედეგადაც ბავშვების რაოდენობა გაიზრდება.

2.2 შეზღუდული შესაძლებლობების მქონე პირთა ცენტრის ხელშეწყობა (პროგრამული კოდი 04 01 02)

პროგრამის ფარგლებში ფინანსდება ააიპ „შეზღუდული შესაძლებლობების მქონე პირთა ცენტრი“, სადაც რეაბილიტაციის კურსს გადის 220-მდე ბენეფიციარი.

მოსალოდნელი შუალედური შედეგები:

- საბავშვო ბაგა-ბაღებში გაუმჯობესებული სააღმზრდელო პროცესი;

- სკოლამდელი აღზრდის დაწესებულებების მენეჯმენტის სრულყოფა;
- საბავშვო ბაგა-ბაღებში დასაქმებულთა მოტივაციის გაზრდა;
- სამოქალაქო საზოგადოების ჩართულობის გაზრდა საბავშვო ბაგა-ბაღების მართვის პროცესში;
- შეზღუდული შესაძლებლობების მქონე მოზარდთა საზოგადოებაში ინტეგრაცია.

შედეგების შეფასების ინდიკატორები:

- საბავშვო ბაგა-ბაღებში მიმდინარე რეფორმის მიმართ დადებითად განწყობილ მშობელთა რაოდენობა.
- სკოლამდელი აღზრდის მომსახურებით მოსარგებლე პირთა რაოდენობა.

3. კულტურა, რელიგია ახალგაზრდობის ხელშეწყობა და სპორტი (პროგრამული კოდი 05 00)

ინფრასტრუქტურული და ეკონომიკური განვითარების პარალელურად აუცილებელია ხელი შეეწყოს კულტურული ტრადიციების დაცვას და ღირსეულ გაგრძელებას. ამასთანავე, ერთ-ერთი პრიორიტეტია ახალგაზრდობის მრავალმხრივი განვითარების ხელშეწყობა და მათში ცხოვრების ჯანსაღი წესის დამკვიდრება. შესაბამისად, თვითმმართველობა განაგრძობს კულტურული დაწესებულებების ფინანსურ მხარდაჭერას, წარმატებული სპორტსმენების ხელშეწყობას და შესაბამისი პირობების შექმნას, რათა ნიჭიერმა ბავშვებმა და ახალგაზრდებმა შეძლონ მათი სპორტული შესაძლებლობების გამოვლინება. ასევე ახალგაზრდობაში ცხოვრების ჯანსაღი წესის წახალისების მიზნით გასატარებელ ღონისძიებებს.

პროგრამ. კოდი	დასახელება	2018 წლის პროგნოზი	2019 წლის პროგნოზი	2020 წლის პროგნოზი	2021 წლის პროგნოზი
05 00	კულტურა, რელიგია, ახალგაზრდობის ხელშეწყობა და სპორტი	5 513,9	6 070,8	6 750,8	6 885,8
05 01	სპორტის განვითარების ხელშეწყობა	2 331,5	2 605,0	3 120,0	2 925,0
05 01 01	სასპორტო სკოლების ხელშეწყობა	1 160,0	1 180,0	1 240,0	1 350,0
05 01 02	სპორტული კლუბების ხელშეწყობა	880,0	1 000,0	880,0	750,0
05 01 03	სპორტული და საბავშვო ინფრასტრუქტურის მოწყობა/რეაბილიტაცია	291,5	425,0	1 000,0	825,0
05 02	კულტურის განვითარების ხელშეწყობა	2 982,4	3 275,8	3 430,8	3 755,8
05 02 01	კულტურული ღონისძიებების დაფინანსება	30,8	30,8	30,8	30,8
05 02 02	სახელოვნებო სკოლები	1 752,1	1 800,0	1 820,0	1 830,0
05 02 03	თეატრის ხელშეწყობა	700,0	850,0	850,0	850,0
05 02 04	მუზეუმის ხელშეწყობა	179,0	180,0	190,0	200,0
05 02 05	ბიბლიოთეკების ხელშეწყობა	292,5	305,0	310,0	315,0
05 02 06	კულტურული დაწესებულებების რეაბილიტაცია	0,0	80,0	110,0	420,0
05 02 07	კულტურისა და დასვენების პარკის რეაბილიტაცია	28,0	30,0	120,0	110,0
05 03	რუსთავის ახალგაზრდობის განვითარებისა და ხელშეწყობის ცენტრის დაფინანსება	200,0	190,0	200,0	205,0

3.1 სპორტის განვითარების ხელშეწყობა (პროგრამული კოდი 05 01)

პროგრამის ფარგლებში განხორციელდება სხვადასხვა სპორტული ორგანიზაციების და კლუბების ფინანსური მხარდაჭერა, რათა მათ ქონდეთ შესაძლებლობა უზრუნველყონ სპორტსმენებისათვის სავარჯიშოდ შესაბამისი პირობების შექმნა და ნიჭიერი სპორტსმენების წახალისება.

3.1.1 სპორტული სკოლების ხელშეწყობა (პროგრამული კოდი 05 01 01)

ქვეპროგრამა მოიცავს ააიპ „რუსთავის სასპორტო სკოლების განვითარების ცენტრის“ დაფინანსებას, რომელიც აერთიანებს 4 სპორტულ სკოლას და 1300-ზე მეტ სპორტსმენს; ცენტრი მოიცავს სპორტის სხვადასხვა სახეობას და უზრუნველყოფს ამ სახეობების განვითარებას, მოზარდთა მაქსიმალური რაოდენობის ჩაბმას და მათთვის საწვრთნელი პირობების შექმნას.

3.1.2 სპორტული კლუბების ხელშეწყობა (პროგრამული კოდი 05 01 02)

ქვეპროგრამა მოიცავს საკალათბურთო (შპს „რუსთავი 1991“) და სარაგბო (ააიპ „რუსთავის ხარები“) კლუბების ფინანსურ მხარდაჭერას.

3.1.3 საბავშვო და სპორტული მოედნების მოწყობა-რეაბილიტაცია (პროგრამული კოდი 05 01 03)

ქვეპროგრამის ფარგლებში ხორციელდება საბავშვო გასართობი ატრაქციონების საბავშვო მოედნების მოწყობა-რეაბილიტაცია და ასევე განხორციელდება ქალაქში არსებული სპორტული კომპლექსების რეაბილიტაცია.

მოსალოდნელი შუალედური შედეგები:

- ქვეყნის ნაკრები გუნდები შეივსება ახალგაზრდა პერსპექტიული რუსთაველი სპორტსმენებით;
- სპორტის სხვადასხვა სახეობაში ადგილობრივი და საქალაქთაშორისო რანგის შეჯიბრებებში სპორტსმენთა წარმატებული გამოსვლა;
- სპორტულ ცხოვრებაში აქტიურად ჩაბმული ბავშვები და მოზარდები.

შედეგების შეფასების ინდიკატორები:

- რუსთავში მსოფლიო, ევროპის ჩემპიონებისა და პრიზიორების გაზრდილი რაოდენობა;
- სპორტულ ჯგუფებსა და სექციებში ჩაბმულ ბავშვთა და მოზარდთა რაოდენობა.

3.2 კულტურის განვითარების ხელშეწყობა (პროგრამული კოდი 05 02)

კულტურული ტრადიციების დაცვის მიზნით პროგრამის ფარგლებში გაგრძელდება სხვადასხვა კულტურული დაწესებულებების ფინანსური მხარდაჭერა, ასევე განხორციელდება სხვადასხვა კულტურული ღონისძიებები, მათ შორის სადღესასწაულო დღეებში სხვადასხვა გასართობი და სანახაობრივი ღონისძიებები.

3.2.1 კულტურული ღონისძიებების დაფინანსება (ქვეპროგრამის კოდი 05 02 01)

ქვეპროგრამის ფარგლებში იგეგმება ბენეფიციართა სადღესასწაულო დღეებში სხვადასხვა ნივთებითა და ტკბილეულით დასაჩუქრება.

3.2.2 სახელოვნებო სკოლები (ქვეპროგრამის კოდი 05 02 02)

ქვეპროგრამის ფარგლებში ფინანსდება ააიპ „სახელოვნებო გაერთიანებათა ცენტრი“, რომელიც აერთიანებს კულტურის ცენტრში არსებულ ადგილობრივ ანსამბლებს 3 მუსიკალურ, 1 ხელოვნებისა და 1 სამხატვრო სკოლას, სადაც სწავლობს 1000-ზე მეტი მოსწავლე; ასევე ზემოხსენებული ააიპ-ი უზრუნველყოფს სადღესასწაულო ღონისძიებების მოწყობას. აღნიშნული ააიპ-ის უმთავრესი მიზანია ხელოვნების დარგების განვითარების ხელშეწყობა, ლიტერატურული და თოჯინური თეატრების აღორძინება, ხალხური რეწვის მივიწყებული დარგების აღორძინება და პოპულარიზაცია, ნიჭიერი ინდივიდუალური შემსრულებლებისა და შემოქმედებითი კოლექტივების საქმიანობის ხელშეწყობა, სამუსიკო და ქორეოგრაფიული ნიმუშების შესწავლისა და პოპულარიზაციისათვის სათანადო პირობების შექმნა.

3.2.3 კულტურის სახლების ხელშეწყობა (ქვეპროგრამის კოდი 05 02 03)

ქვეპროგრამა ითვალისწინებს ააიპ „გ. ლორთქიფანიძის სახელობის რუსთავის მუნიციპალური თეატრის“ მიერ ორგანიზებული ღონისძიებების დაფინანსებას, როგორებიცაა: მხატვრული აღზრდის პროპაგანდა, ყველა თაობის ნიჭიერ შემოქმედთა ხელშეწყობა, ეროვნული თეატრალური ხელოვნების განვითარება, პოპულარიზაცია, სპექტაკლები და წარმოდგენები, ტრადიციების აღორძინება; გაამძაფროს საზოგადოების ინტერესი თეატრალური ხელოვნებისადმი და მოიზიდოს ყველა თაობის მაცურებელი.

3.2.4 მუზეუმის ხელშეწყობა (ქვეპროგრამის კოდი 05 02 04)

ქვეპროგრამა მოიცავს ააიპ „რუსთავის ისტორიული მუზეუმი“-ს დაფინანსებას, რომელიც სისტემატიურად მოიპოვებს, იცავს, იკვლევს, პოპულარიზაციას უწევს და გამოფენს ადამიანთა და მათი საარსებო გარემოს ამსახველ ნივთიერ მასალას; შეისწავლის მათ, განათლების, საზოგადოებისათვის ცოდნის გაცემის და ესთეტიური სიამოვნების მინიჭების მიზნით; მუზეუმი აღვივებს საზოგადოების თვითშეგნებას პარტიოტული სულისკვეთებით.

3.2.5 ბიბლიოთეკების ხელშეწყობა (ქვეპროგრამის კოდი 05 02 05)

ქვეპროგრამის ფარგლებში ფინანსდება ააიპ „რუსთავის საბიბლიოთეკო გაერთიანება“, რომელიც აერთიანებს 3 ბიბლიოთეკას, სადაც ხდება ბიბლიოგრაფიული და საინფორმაციო მუშაობის ხელშეწყობა, წიგნადი ფონდების შევსება დაკომპლექტება და სრული აღრიცხვა, ყველა ასაკის მკითხველის მომსახურება საჭირო ინფორმაციით და საბიბლიოთეკო დოკუმენტებით.

3.2.6 კულტურული დაწესებულებების რეაბილიტაცია (ქვეპროგრამის კოდი 05 02 06)

ქვეპროგრამის ფარგლებში განხორციელდება რუსთავში არსებული კულტურული ობიექტების სარეაბილიტაციო სამუშაოები.

3.2.7 კულტურისა და დასვენების პარკის რეაბილიტაცია (ქვეპროგრამის კოდი 05 02 07)

ქვეპროგრამის ფარგლებში გაგრძელდება ქალაქში ერთ-ერთი დიდი რეკრეაციული ზონის გაუმჯობესება, რაც შექმნის საუკეთესო დასასვენებელ ადგილს მოსახლეობის ნებისმიერი ასაკისათვის.

მოსალოდნელი შუალედური შედეგები:

- საზოგადოების ფართო ნაწილის მონაწილეობა ქალაქის კულტურულ ცხოვრებაში;
- ნიჭიერი შემოქმედების წარმოჩენა, შემოქმედებითი პროცესის ინტენსივობა;
- ქართული კულტურის შედეგების წარმოჩინება და პოპულარიზაცია;
- ქალაქში დასასვენებელი და გასართობი ადგილი.

შედეგების შეფასების ინდიკატორები:

- განხორციელებული ღონისძიებებისადმი მასმედიის, საზოგადოების ინტერესისა და ღონისძიებებზე დამსწრეთა მაჩვენებლები;
- ფესტივალების, კონკურსების და საიუბილეო ღონისძიებების რაოდენობა;
- კულტურისა და დასვენების პარკში დამსვენებელთა რაოდენობა.

3.3 ახალგაზრდობის განვითარებისა და ხელშეწყობის ცენტრის დაფინანსება (პროგრამული კოდი 05 03)

პროგრამის ფარგლებში დაფინანსდება ააიპ „ახალგაზრდობის განვითარებისა და ხელშეწყობის ცენტრი“, ეს უკანასკნელი უზრუნველყოფს სხვადასხვა ღონისძიებების გამართვას, რომლებიც ხელს შეუწყობს ახალგაზრდა თაობის მეტ ჩართულობას ქალაქის ყოველდღიურ საქმიანობასა და მის განვითარებაში.

მოსალოდნელი შუალედური შედეგები:

- ქალაქის გავითარებაში ახალგაზრდობის მეტი ჩართულობა და სამომავლო პერსპექტივების ერთობლივი შემუშავება;

შედეგების შეფასების ინდიკატორები:

- სამოქალაქო ცხოვრებაში ჩართული ახალგაზრდობის რაოდენობა;
- მომავალი თაობის ინიციატივებით განხორციელებული წარმატებული პროექტების რაოდენობა.

4. მოსახლეობის ჯანმრთელობის დაცვა და სოციალური უზრუნველყოფა (პროგრამული კოდი 06 00)

მოსახლეობის ჯანმრთელობის დაცვის ხელშეწყობა და მათი სოციალური დაცვა ერთ-ერთ მთავარ პრიორიტეტს წარმოადგენს. თვითმმართველობა არსებული რესურსების ფარგლებში განაგრძობს სოციალურად დაუცველი მოსახლეობის სხვადასხვა დახმარებებითა და შეღავათებით უზრუნველყოფას. ერთიანი სახელმწიფო პოლიტიკის ფარგლებში გაგრძელდება საზოგადოებრივი ჯანმრთელობის დაცვის მიზნით ადგილობრივ დონეზე სხვადასხვა ღონისძიებების განხორციელება, რაც უზრუნველყოფს არა მხოლოდ ქალაქის, არამედ მთელი ქვეყნის მოსახლეობის ჯანმრთელობის დაცვას სხვადასხვა გადამდები და ინფექციური დაავადებებისაგან.

პროგრამ. კოდი	დასახელება	2018 წლის პროგნოზი	2019 წლის პროგნოზი	2020 წლის პროგნოზი	2021 წლის პროგნოზი
06 00	მოსახლეობის ჯანმრთელობის დაცვა და სოციალური უზრუნველყოფა	3 301,4	2 831,2	2 858,7	2 908,1
06 01	საზოგადოებრივი ჯანდაცვის მომსახურება	243,0	243,0	242,0	243,0
06 02	სოციალური პროგრამები	3 058,4	2 588,2	2 616,7	2 665,1
06 02 01	მინიმალური სასურსათო კვების დაფინანსება	940,0	940,0	950,0	980,0
06 02 02	სარიტუალო მომსახურებები	5,1	3,6	3,6	3,6
06 02 03	შეღავათი სასმელი წყლის გადასახადზე	120,0	118,0	128,0	140,0
06 02 04	შეღავათები მუნიციპალურ ტრანსპორტზე	342,0	354,0	365,2	376,3
06 02 05	ინდივიდუალური დახმარებების პროგრამები	513,0	229,5	235,5	241,5
06 02 06	უხუცეს დღეგრძელთა დახმარება	1,5	1,8	2,1	2,4
06 02 07	რუსთავის მოხუცებულთა სახლის ხელშეწყობა	389,4	380,0	380,0	380,0
06 02 08	მოქალაქეთა მედიკამენტებით დახმარება	200,0	60,0	50,0	40,0
06 02 09	მრავალშვილიანი ოჯახების დახმარება	264,6	222,0	225,0	227,0
06 02 10	საბრძოლო მოქმედებებში მონაწილეთა და მათთან გათანაბრებულ პირთა ოჯახების მატერიალური დახმარება	24,3	24,3	24,3	24,3
06 02 11	შეზღუდული შესაძლებლობების მქონე პირთა ხელშეწყობა	193,6	195,0	198,0	200,0
06 02 12	სტუდენტთა სოციალური დახმარება	65,0	60,0	55,0	50,0

4.1 საზოგადოებრივი ჯანდაცვის მომსახურება (პროგრამული კოდი 06 01)

პროგრამა ითვალისწინებს სახელმწიფო ბიუჯეტიდან გამოყოფილი მიზნობრივი ტრანსფერის ფარგლებში „საზოგადოებრივი ჯანმრთელობის შესახებ“ საქართველოს კანონით განსაზღვრული ფუნქციების დაფინანსებას, კერძოდ:

- არსებობის შემთხვევაში ცოფის კერის ლიკვიდაცია და დაკბენილი მოსახლეობის ზუსტი აღრიცხვა, სასწრაფო შეტყობინების სისტემის დახვეწა და გაუმჯობესება;
- დაავადებათა გავრცელების ეტაპობრივი შემცირება მისი კონტროლის გზით. ეპიდსიტუაციის გამწვავების დროული გამოვლენის ხელშეწყობა და მათზე სწრაფი რეაგირება, პროფილაქტიკურ ღონისძიებათა გატარება;

- ქალაქის მოსახლეობაში არაგადამდებ დაავადებათა პრევენციის და ჯანმრთელობაზე მავნე ფაქტორების ზემოქმედებაზე მოსახლეობის ინფორმირების გზით ჯანმრთელობის დაცვის ხელშეწყობა;
- სადერატიზაციო სამუშაოების ჩატარება საცხოვრებელი სახლების სარდაფებსა და ბუნკერებში (კერძო სექტორის გარდა) და ამის საფუძველზე ქალაქში ეპიდსიტუაციის გაუმჯობესება;
- ჯანმრთელობისათვის მნიშვნელოვანი ინფექციური და არაგადამდები დაავადებებისა და მასობრივი მოშხამვების, აგრეთვე პროფესიული დაავადებების თავიდან აცილება;
- ქალაქში არსებული სანიტარულ-ჰიგიენური მდგომარეობის მონიტორინგი, მოსახლეობისათვის ჯანსაღი გარემოს შექმნის ხელშეწყობის მიზნით რუსთავის დასახლებულ ტერიტორიებზე ადამიანისათვის საშიში და შხამიანი ცხოველების ცხოველმყოფელობის დადგენისა და გაუვნებელყოფის ღონისძიებები.

მოსალოდნელი შუალედური შედეგები:

- დაავადებათა გავრცელების შემცირება, მართვადი ინფექციების გავრცელების შეზღუდვა, ეპიდემიოლოგიური უსაფრთხოებისა და მოსახლეობის ჯანმრთელობის მდგომარეობის გაუმჯობესება.

შედეგების შეფასების ინდიკატორები:

- პროფილაქტიკური აკრების შესახებ მოსახლეობის დროული ინფორმირება, ლაბორატორიის მაღალი ხარისხის ვაქცინებით უზრუნველყოფა.

4.2 მოსახლეობის სოციალური უზრუნველყოფა (პროგრამული კოდი 06 02)

პროგრამა ითვალისწინებს ქალაქ რუსთავის ტერიტორიაზე მცხოვრები მოსახლეობის სხვადასხვა ფენებისათვის შეღავათებითა და სოციალური დახმარებებით უზრუნველყოფას. სახელმწიფო ბიუჯეტიდან გამოყოფილი მიზნობრივი ტრანსფერის ფარგლებში კანონმდებლობით გათვალისწინებული სარიტუალო მომსახურების ხარჯების ანაზღაურებას, მოხუცებულთა, მიუსაფართა და სოციალურად დაუცველთა კვებით და საცხოვრებელი ფართით უზრუნველყოფას, დემოგრაფიული მდგომარეობის გაუმჯობესების მიზნით მრავალშვილიანი ოჯახების დახმარებას და სხვა სოციალურ ღონისძიებებს, რომლებიც მთლიანობაში უზრუნველყოფენ ქალქის მოსახლეობის სოციალური მდგომარეობის გაუმჯობესებას.

4.2.1 მინიმალური სასურსათო კვების დაფინანსება (პროგრამული კოდი 06 02 01)

ქვეპროგრამის ფარგლებში გათვალისწინებულია სოციალურად დაუცველი (0-დან 100 000-მდე ქულის მქონე) მოსახლეობისა და შშმ პირების 1 800 ბენეფიციარის ერთჯერადი ყოველდღიურად კვებით უზრუნველყოფა.

4.2.2 სარიტუალო მომსახურებები (პროგრამული კოდი 06 02 02)

ქვეპროგრამის ფარგლებში გათვალისწინებულია ომში მონაწილე ვეტერანთა დაკრძალვის ხარჯების ანაზღაურება, თითოეულ ბენეფიციარზე 300 ლარის ოდენობით (მიზნობრივი ტრანსფერის ფარგლებში); ქ. რუსთავის ტერიტორიაზე მცხოვრები მარტოხელა სოციალურად დაუცველ პირთა დაკრძალვის ხარჯების ანაზღაურება, თითოეულ ბენეფიციარზე 150 ლარის ოდენობით.

4.2.3 შეღავათი სასმელი წყლის გადასახადზე (პროგრამული კოდი 06 02 03)

ქვეპროგრამის ფარგლებში გათვალისწინებულია 0-დან 57 000-მდე სარეიტინგო ქულის მქონე საციალურად დაუცველი ოჯახების სასმელი წყლის გადასახადისაგან გათავისუფლება (ბენეფიციართა რაოდენობა ცვალებადია სსიპ – სოციალური მომსახურების სააგენტოდან მოწოდებული მონაცემების მიხედვით).

4.2.4 შეღავათები მუნიციპალურ ტრანსპორტზე (პროგრამული კოდი 06 02 04)

ქვეპროგრამის ფარგლებში გათვალისწინებულია 0–დან 150 000–მდე სარეიტინგო ქულის მქონე საციალურად დაუცველი მოსახლეობის მუნიციპალური ტრანსპორტით მგზავრობის უზრუნველყოფა (ბენეფიციართა რაოდენობა ცვალებადია სსიპ – სოციალური მომსახურების სააგენტოდან მოწოდებული მონაცემების მიხედვით); ქალაქში მცხოვრები ვეტერანების მუნიციპალური ტრანსპორტით მგზავრობის უზრუნველყოფა (1 500-ზე მეტი ბენეფიციარი); სსიპ-ებისა და სხვადასხვა ა(ა)იპ-ების თანამშრომლების მუნიციპალურ ტრანსპორტზე შეღავათები (2 700-ზე მეტი ბენეფიციარი); შშმ პირთა მუნიციპალურ ტრანსპორტზე შეღავათები (150-ზე მეტი ბენეფიციარი).

4.2.5 ინდივიდუალური დახმარებების პროგრამა (პროგრამული კოდი 06 02 05)

ქვეპროგრამის ფარგლებში გათვალისწინებულია საქართველოს ტერიტორიული მთლიანობისათვის დაღუპულთა ან მიღებული ჭრილობების შედეგად გარდაცვლილ რუსთაველ ჯარისკაცთა ოჯახების (65 ბენეფიციარი), 2008 წლის რუსეთ–საქართველოს ომში (4 ბენეფიციარი) და 2004 წლის აგვისტოს თვეში ქართულ–ოსური კონფლიქტის ზონაში დაღუპულ ჯარისკაცთა ოჯახების (3 ბენეფიციარი), საქართველოს შეიარაღებული ძალების სამშვიდობო ოპერაციებში მონაწილეობისას დაღუპული ჯარისკაცების ოჯახებისა (3 ბენეფიციარი) და ე.წ. მინდობით აღმზრდელი ოჯახების (35 ბენეფიციარი) კომუნალური გადასახადების დაფარვა, თითოეულ ოჯახზე წელიწადში 500 ლარის ოდენობით; ასევე გათვალისწინებულია საოპერაციო მკურნალობების დაფინანსება გეგმიური ქირურგიულ, ონკოლოგიურ და კარდიოქირურგიულ დაავადებებზე, აგრეთვე დაფინანსდება რუსთაველში მცხოვრები (რეგისტრირებული) C ჰეპატიტით დაავადებულთა სამედიცინო კვლევები.

4.2.6 უზუცეს დღეგრძელთა დახმარება (პროგრამული კოდი 06 02 06)

ქვეპროგრამის ფარგლებში გათვალისწინებულია მუნიციპალიტეტში მცხოვრები 100 წლის და 100 წელს გადაცილებული მოქალაქეების მატერიალურ დახმარება, თითოეულზე 300 ლარი.

4.2.7 რუსთავის მოხუცებულთა სახლის ხელშეწყობა (პროგრამული კოდი 06 02 07)

ქვეპროგრამის ფარგლებში გათვალისწინებულია უმწეო მდგომარეობაში მყოფი მოხუცების თავშესაფრით, კვებითა და სამედიცინო მომსახურებით უზრუნველყოფა.

4.2.8 მოქალაქეთა მედიკამენტებით დახმარება (პროგრამული კოდი 06 02 08)

ქვეპროგრამის ფარგლებში გათვალისწინებულია რუსთაველში მცხოვრები შშმ პირების, პენსიონერებისა და 0–დან 100 000–მდე სარეიტინგო ქულის მქონე სოციალურად დაუცველი მოსახლეობის მედიკამენტებით დახმარება თითოეულზე არაუმეტეს 100 ლარის ოდენობით.

4.2.9 მრავალშვილიანი ოჯახების დახმარება (პროგრამული კოდი 06 02 09)

ქვეპროგრამის ფარგლებში გათვალისწინებულია 0–დან 150 000 ქულამდე სოციალურად დაუცველი მრავალშვილიანი (4 და მეტი 18 წლამდე ასაკის ბავშვი) ოჯახების მატერიალურ დახმარება, თითოეულ ბავშვზე 30 ლარის ოდენობით (734 ბენეფიციარი).

4.2.10 საბრძოლო მოქმედებებში მონაწილეთა და მათთან გათანაბრებულ პირთა ოჯახების მატერიალური დახმარება (პროგრამული კოდი 06 02 10)

ქვეპროგრამის ფარგლებში გათვალისწინებულია:

- 2008 წლის რუსეთ–საქართველოს ომში, 2004 წლის აგვისტოს თვეში ქართულ–ოსური კონფლიქტის ზონაში და სამშვიდობო ოპერაციების დროს დაღუპულ ჯარისკაცთა ოჯახების ერთჯერადი მატერიალური დახმარება თითოეულზე 500 ლარის ოდენობით (11 ბენეფიციარი);

- საქართველოს ტერიტორიული მთლიანობისათვის დაღუპულთა ოჯახების ერთჯერადი მატერიალური დახმარება თითოეულზე 150 ლარის ოდენობით (65 ბენეფიციარი).
- მეორე მსოფლიო ომის მონაწილეთა (20 ბენეფიციარი) ერთჯერადი დახმარება – თითოეულზე 150 ლარი და მათთან გათანაბრებულ პირთა (75 ბენეფიციარი) ერთჯერადი დახმარება – თითოეულზე 80 ლარის ოდენობით.

4.2.11 შეზღუდული შესაძლებლობების მქონე პირთა დახმარება (პროგრამული კოდი 06 02 11)

ქვეპროგრამის ფარგლებში გათვალისწინებულია სტატუსით უსინათლო ბენეფიციარების (145 ბენეფიციარი) კომუნალური ხარჯების დაფარვა (დენი 240 ლარის ფარგლებში და გაზი 240 ლარის ფარგლებში წლიურად), ასევე ფინანსდება აუტიზმის, გონებრივი განვითარების შეფერხების ან დაყვნების მქონე ბავშვთა (80 ბენეფიციარი) რეაბილიტაციის კურსი წელიწადში ერთჯერადად 600 ლარის ოდენობით.

4.2.12 სტუდენტთა სოციალური დახმარება (პროგრამული კოდი 06 02 12)

ქვეპროგრამის ფარგლებში გათვალისწინებულია ერთიანი ეროვნული გამოცდების შედეგად აკრედიტებულ უმაღლეს საგანმანათლებლო პროგრამებზე ჩარიცხული რუსთაველი სოციალურად დაუცველი, იძულებით გადაადგილებული (დევნილი), შშმ სტუდენტებისა და მრავალშვილიანი ოჯახის წევრი სტუდენტების (შემდგომში - "ბენეფიციარი") სოციალური დახმარება წახალისების მიზნით თვეში 50 ლარის ოდენობით. ასევე დაფინანსდება წარჩინებული (შესაბამისი კრიტერიუმები) სტუდენტების სწავლის საფასური თითოეულზე არაუმეტეს 800 ლარის ოდენობით.

მოსალოდნელი შუალედური შედეგები:

- ქალაქში არსებული სოციალური ფონის გაუმჯობესება;
- მრავალშვილიანი ოჯახების ხელშეწყობა და დემოგრაფიული მდგომარეობის გაუმჯობესება;
- ხანდაზმულ მოქალაქეთა დახმარება, ყურადღებისა და თანადგომის გამოხატვა.

შედეგების შეფასების ინდიკატორები:

- წარმატებული სოციალური პროექტების რაოდენობა;
- სოციალურად უზრუნველყოფილი მოსახლეობის რაოდენობა.

ირაკლი ტაბაღუა

ქალაქ რუსთავის

მუნიციპალიტეტის მერი